

Zeitschrift: L'ami du patois : trimestriel romand
Band: 8 (1980)
Heft: 1

Artikel: Drien de la Chavoue
Autor: Roduit, Joseph
DOI: <https://doi.org/10.5169/seals-239475>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 26.11.2024

ETH-Bibliothek Zürich, E-Periodica, <https://www.e-periodica.ch>

DRIEN DE LA CHAVOUE

Le grô Drien dê la Chavouè
Tsantâvè chòvin a forta vouè
Dê viëye mi dzinte tsabfon
Que retôûâvou pê li crêpon
I tsantâve le Mon–Blan,
Tsamouoni, le biau Léman,
Evian, Tônon, Anecy,
Traï bale vële di payi.
Li vé, li vatse ê li mòdzon
L'amâvou tan chi regòdon
Que l'arêtâvon dê brôtâ
Pouò pouëvai mioeü l'atioeütâ.
E can Drien vayaï ariâ
Vei la feïn dê l'apri-denâ,
Atan Mouòtaïle què Dragon
Inplâvon râje dou grô chaïlon.
Mi, vei le métin di tsautin,
Drien l'a atrapò li j'épouin.
I l'avai tan dê pène a chosiha
Que l'a diu aretâ dê tsantâ.
La fenna, on demècre mateïn,
L'a fi vèni le médeceïn
Que ya dè d'ou ton on moué du :
"Ma foi, i charè proeü perdu".
Tôt in pinchin le conchòlà
La fenna on dza ya dè draï bâ :
"Mi, Drien, tê fau pouòrtan mouëri
Pindin que ya dê plache i Paradi,
Câ chë tê fouòton bâ tò nu

Dêchu li fouòrtse di cornu
T'â le tin dê regrêtâ
D'être mò in retâ".
Adon Drien l'a tchitô la tère
Pouaï chë prejintô chin Pière
Que chë teniaï chëtô chu on ban
Avoui na grôcha shiô a la man.
Can chin Pière l'a yu le grô Drien,
Fayive vère min i l'ére contin.
I ya dè : "T'â pâ manca d'avai pouaïre,
Ni dza aradô chu le grô laivre.
Can t'ére bâ pê la Chavouè
Ti tòti itô on omouë dié.
Te tsantâve dê bale tsanfon
Quemin li merle ê li peïndzon.
L'é shioeüli qu le bon Diu voeü,
L'é pâ li greïndze ê li dépietioeü
Que vouò chiton dêvan le tsâtêlan
Pouor avai perdu traï, catre fran.
Te réchtêri pouò tòti
Din noutre biau Paradi".
Adon, Drien, têlamin contin
Dê pouëvai rechtâ avoui li chin
Chë mêtu d'on cou a tsantâ
Dê cantëtië ê dê j'alêlouïâ
Pouò remachâ chë que poeü tò
Di biau cadau que ya fi chë dzò.

*Joseph Roduit
La Fontaine – Fully/VS*

